



Kakanj, 09.02. 2026. godine.
Broj: 01-D-01-14-1572 /26

Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku broj: 14-132-02/26 od 03.02.2026. godine po otvorenom postupku (OP: 83/25 - Nabavka rezervnih dijelova za elektro-hidraulični bager Liebherr R9200 E), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14, 47/14, 59/22, 50/24), Direktor Iso Delibašić, dipl. ekonomista i Prokurist Adi Hamidović, dipl.inž.maš, donijeli su

ODLUKU
o izboru najpovoljnijeg ponuđača i dodjeli okvirnog sporazuma

Član 1.

Za potpisivanje okvirnog sporazuma za nabavku roba – Nabavka rezervnih dijelova za elektro-hidraulični bager Liebherr R9200 E, po provedenom otvorenom postupku OP: 83/25 u kojem je predviđeno zaključivanje okvirnog sporazuma sa jednim dobavljačem, izabran je sljedeći ponuđač:

	Naziv / ime ponuđača	Ukupno ponudena cijena bez PDV-a
1.	„NGH“ d.o.o. Tuzla	3.232.339,84 KM

Član 2.

Nakon isteka roka za žalbu sa izabranim ponuđačem iz člana 1. ove Odluke zaključit će se okvirni sporazum u trajanju od jedne godine od dana zaključivanja, kojim će se regulisati međusobna prava i obaveze vezano za predmetnu nabavku odnosno pojedinačne ugovore za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

Vrijednost Okvirnog sporazuma koji će se zaključiti sa izabranim ponuđačem iz člana 1. ove Odluke iznosi 500.000,00 KM bez PDV-a.

Član 3.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije.

Dokumentaciju dostaviti na protokol Ugovornog organa.

Ukoliko je ponuđač uz ponudu dostavio dokumente iz člana 3.1. Odluke, nije u obavezi dostavljati traženu dokumentaciju.

Član 4.

Za izvršenje ove odluke zadužuje se i ovlašćuje Služba za javne nabavke i Komercijalna služba RMU „Kakanj“ d.o.o.- Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-14053/25 od 17.12.2025.godine.



Odlukom o pokretanju postupka nabavke roba, Ugovorni organ predvidio je zaključivanje Okvirnog sporazuma sa jednim ponuđačem na period od jedne godine od dana zaključivanja Okvirnog sporazuma.

Procijenjena vrijednost javne nabavke bez PDV-a je 500.000,00 KM,

Obavijest o nabavci broj: 967-1-1-564-3-322/25 od 19.12.2025. godine objavljena je na Portalu javnih nabavki dana 19.12.2025. godine.

Komisija za javnu nabavku je dana 30.01.2026. godine sačinila Zapisnik o ocjeni ponuda broj: 14-121-01/26 od 30.01.2026. godine i Preporuku o izboru najpovoljnijeg ponuđača broj: 14-132-02/26 od 03.02.2026. godine u postupku javne nabavke roba - Nabavka rezervnih dijelova za elektro-hidraulični bager Liebherr R9200 E.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2).
- da su blagovremeno zaprimljene dvije (2) ponude.
- da nije bilo neblagovremeno zaprimljenih ponuda.
- da su ponude ponuđača „REMEX“ d.o.o. Tuzla i „NGH“ d.o.o. Tuzla prihvatljive.
- da nije bilo neprihvatljivih ponuda.

Komisija Ugovornog organa je na osnovu člana 66. Zakona o javnim nabavkama i člana 17. Uputstva za pripremu modela tenderske dokumentacije i ponuda, konstatovala da je cijena ponude ponuđača „NGH“ d.o.o. Tuzla za 24,5% niža u odnosu na drugorangiranu prihvatljivu ponudu.

Putem e-maila upućen je Zahtjev za dostavu obrazloženja ponudane cijene broj: 14-112-01/26 od 29.01.2026.godine ponuđaču „NGH“ d.o.o. Tuzla, a u vezi sa članom 66. Zakona o javnim nabavkama i članom 17. Uputstva za pripremu modela tenderske dokumentacije i ponuda.

Naprijed navedeno osnovano obrazloženje cijene ponude ponuđač „NGH“ d.o.o. Tuzla potrebno je da dostavi do 02.02.2026.godine do 12:00 sati na e-mail rudnikaida@gmail.com.

Ukoliko do gore navedenog roka ne dostavi zahtjevano obrazloženje cijene svoje ponude, Ugovorni organ će postupiti u skladu sa članom 66. Stav (1) Zakona o javnim nabavkama.

Dana, 30.01.2026.godine ponuđač je dostavio obrazloženje ponudene cijene, što je za Ugovorni organ prihvatljivo.

Primjena preferencijalnog tretmana domaćeg

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine („Službeni glasnik BiH“ broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

Provođenje E-aukcije

Nakon što su ocjenjene koje od ponuda su prihvatljive, Komisija Ugovornog organa je utvrdila redosljed dostavljenih ponuda, kako slijedi:



- Kriterij za ocjenjivanje ponude je najniža cijena

	Naziv / ime ponuđača	Ponudena cijena (bez PDV-a)
1.	„REMEX“ d.o.o. Tuzla	4.281.980,54 KM
2.	„NGH“ d.o.o. Tuzla	3.232.339,84 KM

- Rang-lista ponuđača:

	Naziv / ime ponuđača	Ponudena cijena (bez PDV-a)
1.	„NGH“ d.o.o. Tuzla	3.232.339,84 KM
2.	„REMEX“ d.o.o. Tuzla	4.281.980,54 KM

Ugovorni organ je u Obavještenju o nabavci broj: 967-1-1-564-3-322/25 od 19.12.2025. godine i tačkom 4.6. Tenderske dokumentacije previdio provođenje E-aukcije u skladu sa Pravilnikom o uslovima i načinu korištenja E-aukcije.

Nakon što je Komisija Ugovornog organa utvrdila da su pristigle ponude prihvatljive, a što je konstatovano Zapisnikom o ocjeni ponuda broj: 14-121-01/26 od 30.01.2026. godine, zakazana je E-aukcija za dan 02.02.2026. godine sa početkom u 12:00 sati. Komisija Ugovornog organa je predvidjela da aukcija traje 10 minuta.

Ponude ponuđača „NGH“ d.o.o. Tuzla i „REMEX“ d.o.o. Tuzla su ocjenjene kao prihvatljive, te su ponude ova dva ponuđača označene za učesće u E-aukciji.

Po završetku E-aukcije utvrđeno je da je najpovoljniji ponuđač u postupku nabavke - Nabavka rezervnih dijelova za elektro-hidraulični bager Liebherr R9200 E, ponuđač „NGH“ d.o.o. Tuzla.

E-aukcije je završena 02.02.2026. godine u 12:10 sati.

Izveštaj o toku i završetku E-aukcije je sastavni dio ovog izvještaja.

Nakon provedene E-aukcije utvrđena je rang lista ocijenjenih ponuda - Nabavka rezervnih dijelova za elektro-hidraulični bager Liebherr R9200 E, počev od najuspješnijeg ka najmanjoj uspješnoj ponudi

	Naziv / ime ponuđača	Ukupno ponudena cijena bez PDV-a
1.	„NGH“ d.o.o. Tuzla	3.232.339,84 KM
2.	„REMEX“ d.o.o. Tuzla	4.281.980,54 KM

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:




Najniže cijene, kako slijedi:

PODACI O NAJPOVOLJNIJEM PONUĐAČU		
1.	Naziv / ime ponuđača	"NGH" d.o.o. Tuzla
2.	Adresa	Krečanska B-6, Irac I 75000 Tuzla
3.	Ukupna cijena ponude bez PDV-a	3.232.339,84 KM
4.	Popust	0,00 KM
5.	Ukupna cijena bez PDV-a sa uračunatim popustom	3.232.339,84 KM
6.	Ukupna cijena ponude sa PDV-om	3.781.837,61 KM
7.	Okvirni sporazum će se zaključiti na iznos bez PDV-a	500.000,00 KM

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.


Pouka o pravnom lijeku: Protiv ove odluke može se izjaviti žalba Uredu za razmatranje žalbi putem Rudnika mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist


Adi Hamidović, dipl.inž.maš.



Direktor


Iso Delibašić, dipl. ekonomista

Dostavljeno:

1x Direktor

1x Učesnici u postupku javne nabavke

1x a/a